

**Oies:** en mertesc ai 16 de jügn él siur Pire che präia dër bel ëles y ëi de gní a lavé la dlijia da Oies.

**Conzert:** la Scora de musiga inviëia düc dër bel al conzert de conclujiun a Al Plan en lünesc ai 8 de jügn 2015 dales 18.00 - paiun dla musiga. Al sará da aldí melodies y toc musical portá dant dai scolars dla Scora de musiga.

**N pice CAMINO: Marcia francescana da Montone a Assisi**

Dai 25.07 ai 04.08.2015 va indô jogn y jones dai 16 ai 40 agn de döta Italia n'edema a pe por arjunje Assisi ala festa dl pordonn (Portiuncola). An pëia ince ia da Balsan, acompagná da n valgügn patri franziscagn. An va indöt 6 dis por ca. 5-6 ores al de y al vëgn dormì te scores, convënc o sot al cil sarëgn! L'cost é de 280 €. Informaziuns plü menüdes ciafon pro pater Ulrich ([ulrich.rauch@franziskaner.at](mailto:ulrich.rauch@franziskaner.at) o 0472 836325) o da Renate Valentini ([renate@valentini.cc](mailto:renate@valentini.cc))

**Jun a pe cun l'KVW:** inviun düc a gní en mertesc ai 09.06.2015 a fá la gita da *Tiers ala Völseggs Spitze*. Piun ia dales 07:30 y prenotesse sciöche dagnora pro laco al nr. 0471/839772.

**Nos dla Val Badia festejun i 55 agn en sabeda, ai 20 de jügn!**

Dales 13.30 sunse a S.Linert por jí sö La Crusc, olache fajun dales 16.00 na Liturgia dla Parora. Dales 19.00 nes aspeta na buna cëna da "Urban" a Pedraces. Prenotaziuns por la cëna cina ai 14 de jügn pro Paula: mail [paulaagreiter@hotmail.it](mailto:paulaagreiter@hotmail.it), SMS, WhatsApp, tel. 338/1807072.

**Referat:** "Das Ende des Geldes – und was dann?" cun dr. Paul Kircher en mercui, ai 10.06.2015 dales 20:00 tl Istitut Micurá de Rù a S.Martin

FRONLEICHNAM

Brot zum Leben  
Brot auf dem Weg  
Brot -  
dein Zeichen der Liebe.



Usc dla Cüra BADIA

Tel./Fax 0471 839571 - E-Mail: [parrocchiabadia@libero.it](mailto:parrocchiabadia@libero.it) - [www.valbadiaonline.it](http://www.valbadiaonline.it)

Nr. 28	Edema: 07.06.– 14.06.2015
--------	---------------------------

FESTA DLES  
ANTLÈS

CORPUS DOMINI



Vangele dla Domënia che vëgn - Festa dl Cör de Gejù  
Ann „B“ (Jan. 19,31-37)

Deach'al ê la vëia dla festa y i corps ne dô nia resté tratan le sabat söla crusc, á i iüdes perié Pilatus, che al ti gniss rot les iames ai cruzifijà y tut jö sües salmes, deache chësc sabat ê n gran santú. Insciö él gnü i soldas y ti á rot les iames al pröm y spo al ater che ê gnü metü söla crusc cun ël. Canch'ai ê rová da Gejù y á odü ch'al ê bele mort, ne ti ái nia rot les iames, mo un di soldas ti á ficé la lanza tl costá y atira él rogorü fora sanch y ega. Y chël che á odü chësc, á dé testimonianza, y süa testimonianza é vëi. Al sá ch'al cunta ci che é vëi, ch'i cherdëise ince os. Deache chësc é sozedü, por che la parora dla Scritöra s'adempliss: An ne dess ti rumpì degun os. Y te n ater post dij la Scritöra: Ai ciarará sön chël che ai á traficé.



## FUNZIUNS SACRES

### 07.06. **FESTA DLES ANTLÈS – “CORPUS DOMINI”**

- 09.00** Mëssa solena ciantada  
*Prozesciun Eucaristica cun 2 Vangeli*
- 14.00 Festa da Bato
- 18.00 †to Marco Gabrieli – aniversar  
†to Lois Frena – aniver. / †to Paul Adang – aniver.  
†to Stefo Irsara – aniver. / †to Paulin Irsara – aniver.

### 08.06. Lünesc

- 14.00 Sopoltüra dl defunt Otto Clement

### 09.06. Mertesc

- 20.00 †to Michele Crepaz – aniver. / †to Lois Irsara de Jan  
†ti Nane, Pasquale, Walter Irsara y vis y †ti de Ciastel

### 10.06. Mercui - Mëssa cun i scolars

- 07.30 †ti Mariangel, Richard y Maria Anvidalfarei - aniversar  
†to Giovanni Campeï – aniversar  
†ta Aurora Ambrosino  
por fam. Tone y Clara Anvidalfarei

### 11.06. Jöbia

- 07.30** **al pëia ia la prozesciun en Jeo**  
**09.00** **Pescol:** S.Mëssa ad intenziun di pelegrins

### 12.06. Vëndres – Sacher Cör de Gejú

- degüna mëssa a S.Linert mo dales*
- 16.00 Mëssa a Oies

### 13.06. Sabeda – S.Antone da Padova


- Nanter les 16 y les 17 rüva adarlerch “chi de Jeo”**  
*Düc é dër inviá a gní a i tó ite*
- 16.00 Mëssa a Oies

### 14.06. **FESTA DL SACHER CÖR de GEJÜ**


- 09.00** Mëssa solena ciantada  
*Prozesciun Eucaristica cun 2 Vangeli*
- 18.00 †to Antonio Palumbo  
†ta Resi Irsara - aniversar  
por fam. Vico y Martina Adang  
por fam. Paul y Maria Frenademetz a S.Antone

## Dala VITA dla CÜRA

Recordun che la Santa **Mëssa** in les Antlès, Festa dl Cör de Gejú y en San Iaco sará por via dla **prozesciun** bele dales **09:00**.



En chësta domënia, ai 07.06.2015 ciafa **l'Sacramënt dl BATO** l' pice **Lukas** de Christian Anvidalfarei y Karin Crazzolará y la picera **Marta** de Roland Pizzinini y Lucia Kostner. Ai pici che tolun sö cun ligrëza te nosta comunité cristiana y a sù geniturs tröpes ligrëzes.



Düta la Comunité tól pert al dolor di familiars dl defunt Otto Clement che en vëndres, ai 05.06.2015 t'eté de 72 é gnü cherdé dal Signur. Che al paises tla pesc eterna.



### **Por chi de Jeo:**

Por düc chi che á interes él jödapé de dlijia l'regolamënt dla prozesciun de Jeo.

En jöbia, denant che pié ia vëgnel indò partí fora te dlijia, y spo ince ia en Pescol, i pici libri de oraziuns y cianties.

### **Radio dla Cüra - Radio Sacra Famiglia**

Bele da tröc agn unse le “Radio dla Cüra” en funziun. I sperun che tröpes porsones, che n'é nia bones da gní a dlijia, pois tó pert ince a ciasa a nostes Mësses y beles funziuns. I sperun ince che düt funzionëies bun.

Mo nosc Radio é lié al “Radio Sacra Famiglia” dla diozeja, che vá de y nót. Dan dlijia unse programs dles trasmisciuns y ince contocorënc por ti dé n contribut, che é tan bëgnodü (ince ma val'Euro), ciodiche ai é te gran debic. Porchël prëitambel y giulan.

*Siur Degan*